

## ZAPISNIK

### sa 15. sastanka Privrednog savjeta Grada Zenica

održanog 22.10.2019. god. u maloj sali Grada Zenica (II sprat), Trg BiH br. 6., Zenica, s početkom u 13,00 sati

Sastanku su prisustvovali:

1. predsjedavajući Privrednog savjeta, gradonačelnik Fuad Kasumović;
2. Amra Mehmedić, pomoćnica Gradonačelnika za privredu i upravljanje razvojem;
3. Sabira Helvida, pomoćnica Gradonačelnika za ekologiju, komunalne i inspeksijske poslove;
4. Semira Karić, šef odsjeka za urbanizam;
5. Mirsad Heleg, savjetnik gradonačelnika za prostorno uređenje;
6. Bojana Primorac, pomoćnica Gradonačelnika za urbanizam;
7. Lejla Brljevac, direktor JP za prostorno planiranje i uređenje grada "Zenica" d.o.o.
8. Jasmin Baručija, direktor Glovis d.o.o. Zenica;
9. Senaida Turkić, Aksa d.o.o. Zenica/Udruženje poslodavaca Zenica;
10. Mladen Perić, Pero d.o.o. Zenica/Udruženje poslodavaca Zenica;
11. Jusuf Kravić, Direktor „Ze-Steel“ d.o.o. Zenica;
12. Damir Begić, Almy d.o.o. Zenica;
13. Senad Džanić, Club 072-Zenica;
14. Vukica Marjanović-Suljić, Predstavnik udruženja (advokat);
15. Vladimir Franjić, direktor/vlasnik Meridijan d.o.o Zenica/Udruženje poslodavaca Grada Zenica;
16. Jusuf Brkić, predstavnik Službe za privredu i upravljanje razvojem

Sastanku nisu prisustvovali:

1. Senad Pašalić, direktor Zeničke razvojne agencije ZEDA d.o.o. Zenica;
2. Biju Nair, Generalni Direktor Arcelor Mittal Zenica;
3. Fahrudin Šahmanija, direktor „Femettal“ d.o.o. Zenica;
4. Edin Šarić, Savez izviđača grada Zenica;
5. Benjamina Šaranović, Udruženje poslodavaca Zenica;

**Na samom početku**, predsjedavajući Privrednog savjeta, gradonačelnik Fuad Kasumović, pozdravio je prisutne i zahvalio se na razumijevanju i dosadašnjem radu. Upoznao je prisutne da je ovo nastavak planirane 15. sjednice Privrednog savjeta od 30.05.2019. godine koja je nakon što su prisutni upoznati s dnevnim redom, zapisnikom i zaduženjima sa 14. sastanka Privrednog savjeta prekinuta zbog vanrednih okolnosti i obaveza Gradonačelnika.

Nakon uvoda Gradonačelnik je zamolio pomoćnicu za Privredu i upravljanje razvojem, Amru Mehmedić da prisutne upozna sa predloženim dnevnim redom za 15. Sastanak privrednog savjeta zakazanog za 22.10.2019. godine te da nastavi moderirati sjednicu.

Amra je pozdravila prisutne te upozнала sa predloženim dnevnim redom, kako slijedi:

**Dnevni red za sjednicu 15. Sastanka PS na 22.10.2019. godine je sljedeći:**

1. Usvajanje zapisnika sa 14. sastanka Privrednog savjeta Grada Zenica
2. Zaduženja sa 14. sastanka Privrednog savjeta
3. Nacrt regulacionog plana „Privredno-poslovna zona Zenica-Sjever“
4. Izvještaj o provedenoj kontroli MSP i Start up korisnika podsticajnih sredstava iz 2018. godine
5. Javni poziv za unapređeneje privrede za 2019. godinu na području Grada Zenica
  - a) Izvještaj o izboru kandidata po javnom pozivu
  - b) Edukacija start up korisnika podsticaja
6. Izbor banke za plasman kreditne linije uz subvencionisanje dijela kamtne stope za privredne subjekte koji posluju na području Grada zenica
7. Informacija o Poslovnoj zoni Zenica 1
8. Anketiranje privrednih subjekata u Gradu zenica u 2018. Godini
9. Informacija o realizaciji projekata:
  - a) Podrška zapošljavanju u metaloprerađivačkoj industriji u Graddu Zenica u saradnji sa privrednim subjektima iz dijaspore
  - b) Realizacija projekta „Rekonstrukcija i uređenje izletišta Smetovi“
  - c) Izrada 14 detaljnih pregleda i energetskih certifikata javnih i stambenih objekata na području grada Zenica
10. Razno

Amra Mehmedić je napomenula da je došlo do dopune dnevnog reda i da je dodana još jedna tema za Privredni savjet a odnosi se na Nacrt regulacionog plana „Privredno-poslovna zona Zenica-Sjever“ pod tačkom 3. koja se nije bila predložena za dnevni red 15. sastanka privrednog savjeta koji se trebao održati 30.05.2019. godine.

Prisutni su jednoglasno usvojili predloženi dnevni red sa dopunom tačke 3. Nacrt regulacionog plana „Privredno-poslovna zona Zenica-Sjever“.

**Ad.2.** Amra je ukratko upoznala prisutne o zaključcima i zaduženjima s 14. sastanka, a isti su se odnosili na:

- informaciju i realizaciju programa mjera za unapređenje privrede u 2018. godini (veza tačka 4.), fokus je da se nastavi monitorig korisnika, te da se prati razvoj korisnika podsticaja. Kada je u pitanju prijedlog programa mjera za unapređenje privrede za 2019. godinu na području Grada Zenica, iskazana je podrška prisutnih da se nastave razvijati razni programi podrške privrednom sektoru, kroz razne mjere, s akcentom na promociji korisnika podsticaja i drugih privrednih aktivnosti u gradu Zenica.
- kad je u pitanju tačka 3. sa 14. sastanka koja se odnosi na Odluku o administrativnim taksama, usvojen je zaključak da gradska uprava nastavi pratiti i usklađivati normativne akte s ciljem unapređenja usluga stranakama, u skladu s zakonskim propisima, a sve u cilju osnaživanja javno-privatnog dijaloga.što se tiče tačke 4. sa 14. sastanka PS koja se odnosila na nevladine organizacije, zaključak je da se nastavi ažuriranje i uređenje kriterija i pravila praćenja aktivnih i pasivnih organizacija posebno da se vodi računa o gradskoj imovinu koju koriste organizacije.

- za tačku 5. sa 14. sastanka PS u vezi inicijative za brendiranje dva zenička identiteta („Kulin ban“ i „Čimburijada“) koji predložen od strane Foruma građana, zaključak je bio da NVO aplicira za izradu projekta „Kulin ban“ i „Čimburijada“ a da Forum građana Zenica predloži projekat organizovanja i brendiranja događaja „Čimburijade“.

**Ad.3. i Ad.7** U vezi tačke 3. Amra Mehmedić je zamolila direktoricu JP za prostorno uređenje i planiranje Grada Zenica, gđu Lejlu Brljevac da prisutne upozna sa Nacrtom regulacionog plana „Privredno-poslovna zona Zenica-Sjever“.

Lejla Brljevac je kazala da nakon što je na Gradskom vijeću donesena Odluka o osnivanju i uspostavljanju Poslovne zone „ZENICA-SJEVER“, koja ima za cilj stvaranje pretpostavki za razvoj preduzetništva kroz osnivanje novih preduzeća, novo zapošljavanje, podsticaj investicija, jačanje partnerstva javnog i privatnog sektora, krenulo se u fazu izrade Nacrta Regulacionog plana „Privredno-poslovna zona Zenica - Sjever“ te ovim putem zamolila privrednike da dostave svoje sugestije.

Lejla Brljevac je grafički prikazala sami izgled planirane poslovne zone koja bi trebala da obuhvati područje Banloza, tj. lokalitet od donjeg dijela Arcelor Mittala pa sve niz obalu rijeke Bosna do željezničkog mosta koji prelazi preko rijeke Bosne. Također, spomenula je da je Nacrtom Regulacionog plana predviđen i most koji bi spajao lijevu i desnu stranu obale rijeke Bosne, te da nacrt predviđa 11 parcela sa maksimalnom površinom parcele do 7.500 m<sup>2</sup>. Istakla je da se na zahtjev investitora može napraviti i drugi prijedlog parcelacije.

Gradonačelnik Kasumović se javio za riječ te kazao da je Nacrt Regulacionog plana u završnoj fazi za poslovnu zonu „Zenica – Sjever“ i da će u jednoj narednih sjednica biti predložen Gradskom vijeću na usvajanje. Intencija gradske uprave je da ova zona ima podsticajni karakter, da cijena jednog kvadrata građevinskog zemljišta u spomenutoj zoni bude 1 KM za svakog novog kupca parcele uz uslov da u roku od 1-2 godine pokrene izgradnju, a što će biti naknadno definisano

Mirsad Heleg je upoznao prisutne o aktivnostima u Poslovno-rekreativnoj zoni „Zenica-Jug“, spomenuo je da je potpisan Memorandum o razumijevanju s potencijalnim investitorom iz Saudijske Arabije gdje su definisane određene smjernice za period od 6 mjeseci u kojem investitori trebaju da istraže tržište i predlože idejno rješenje sa svim sadržajima u zoni. Gradonačelnik je dodao da će, u slučaju realizacije ove velike i sadržajno raznovrsne investicije, slika grada Zenice biti potpuno promijenjena Planirani sadržaji će privlačiti posjetioce iz cijelog regiona.

Kada su u pitanju poslovne zone, Amra Mehmedić se osvrnila na postojeću Poslovnu zonu Zenica 1 te kazala da se u ovoj poslovnoj zoni implementira niz projekata, od samog uređenja ulaska u poslovnu zonu, a radovi na izgradnje saobraćajnica 7, 7a i 7b sa pratećom komunalnom infrastrukturom (voda, kanalizacija, javna rasvjeta, gasne instalacije, instalacije za teleoperatere),

Jasmin Baručija se javio za riječ i predložio da, se vodi računa i po mogućnosti ostavi prostora za uređenje zelenih površina, kako ne bi došlo do kompletnog zatvaranja javnih površina.

Amra je kazala da ima rješenje hortikulturnog uređenja prostora uz granicu Poslovne zone Zenica 1 prema Arcelor Mittalu i da je Agencija Zeda ovim projektom aplicirala prema Fondu za zaštitu od okoliša, i da su u međuvremenu odobrena sredstva u iznosu od 20.000,00 KM. Naglasila da da svaki investitor na parceli mora da poštuje propisane urbanističke uslove i građevinsku liniju kojom je definisana udaljenost objekta od saobraćajnica kao zeleni pojas do saobraćajnice.

Mladen Perić je kazao da je potrebno više promocije u vezi aktivnosti iz Poslovne zone „Zenica 1“ te dodao da je neophodno medijski ponaljati više puta kako bi se svijest građana i privrednog sektora podigla na viši nivo te da je neophodno napraviti određene kampanje asocirajući i dajući prijedlog za kampanju „Uzavreli grad“.

Senaida Turkić je dodala da bi Agencija Zeda trebala više učiniti kad je u pitanju promocija privrednih aktivnosti, posebno u poslovnoj zoni „Zenica 1“.

Amra Mehmedić je kazala da su se po nekoliko puta na RTV Zenica i svim službenim web stranicama Grada Zenice i Agencije Zede objavljivale vijesti, da se putem službenih društvenih mreža oglašavalo i promovisalo dešavanje, kazavši time da i Udruženje poslodavaca treba da uzme više učešća u promociji privrednih aktivnosti.

Jusuf Kravić je kazao da su dobar pokazatelj dešavanja u i oko Poslovne zone „Zenica 1“, saobraćajnica GGM u vrijeme od 15.00 -17.00 sati zbog prisutnosti velikog broja vozila.

Zaključak je da se svim privrednim subjektima putem elektronske pošte ili na neki drugi način pošalju dešavanja u vezi s privrednom sektorom kako bi privredni subjekti imali veća saznanja o istim.

#### **Ad4. i Ad5.**

Vezano za tačku 5. Amra je kazala da je privrednim subjektima na raspolaganju 10 miliona KM kod BBI Banke Zenica te da za ista mogu aplicirati. Kazala je da se radi se o beskamatnim sredstvima i da svi privredni subjekti trebaju iskoristiti ovu prednost. Amra je napomenula da je BBI Banka u zadnjih 3-4 mjeseca odobrila cca 2.5 miliona KM privrednim subjektima.

Kada je u pitanju tačka 4., Amra je zamolila kolegu Jusuf Brkića, zaduženog za praćenje provođenja aktivnosti oko programa mjera za unapređenja privrede na području Grada Zenica, da informiše prisutne o realizaciji programa mjera. Kazao je da je za korisnike podsticaja iz 2018. godine urađena kontrola na terenu posebno za korisnike koji su aplicirali za nabavku opreme, mašina, alata i slično. Za korisnike koji imaju obavezu pravdanja dokaza za zaposlene radnike, izvršen uvid u dokumentaciju o zadržavanju radnika od strane korisnika podsticaja. Naglasio je da je kontrola pokazala da su svi start up-ovi (osim njih 2) ušli u drugu godinu poslovanja bez dodatne podrške Grada Zenica te da bi za njih možda u sljedećoj 2020. godini kroz program mjera trebalo predvidjeti sredstva podrške u nekom manjem iznosu kako bi opstali u svom razvoju.

Što s tiče aktivnosti Programa mjera za 2019. godinu, Jusuf je kratko napomenuo da su po Javnom pozivu iz marta 2019. godine odobrena podsticajna sredstva za 24 start up firme i 45 postojećih firmim ukupno 69. Imajući u vidu činjenicu da privredni subjekti po Javnom pozivu iz marta mjeseca 2019. godine nisu povukli sva planirana sredstva u budžetu Grada Zenica za 2019. godinu, Grad Zenica je ponovo raspisao Javni poziv za neutrošeni iznos od 48.000,00 KM. Javni poziv je u toku te se očekuje dodatnih 10 - 15 start up korisnika. Nakon što budu odobrena sredstva za dodatne korisnike i potpišu ugovori s novim start up korisnicima podsticaja, Odsjek za lokalni i ekonomski razvoj planira obići sve korisnike podsticaja iz 2018. godine i sačiniti o realizaciji poduzetih aktivnosti i opravdanosti utrošenih sredstava.

Senaida Turkić je kazala da je napisan projekat Startuppino koji bi obuhvatio sve start up firme, kojima bi se posvetila posebna pažnja kroz edukacije, umrežavanje, saradnju i prezentovanje mogućnosti koje im se nude u privrednom sektoru tj. na tržištu. Partneri na projektu su gradska uprava, Agencija ZEDA, privredni subjekti, Udruženje poslodavaca, Privredna komora ZDK i Udruženje Ze Forge. Cilj je da se jača lokalna ekonomija, pristup određenim pristupima lanca vrijednosti razvoj poslovnih ideja u prepoznatim poljima, postojeće kompanije bi dobile nove domaće i jeftinije dobavljače (s obzirom da bi se smanjili troškovi transporta i drugi vezani troškovi), a nove kompanije već osigurano tržište.

#### **Ad.8. i Ad.9.**

Amra je upoznala prisutne da je Grad Zenica zajedno s Agencijom Zeda proveo anketiranje kod 150 privrednika u Gradu Zenica za 2018. godinu. Realizaciju ankete je podržao GIZ, a ista je objavljena na web stranicama Grada Zenica i Agencije Zeda te je ista dostavljena svim članovima Privrednog savjeta.

U vezi tačke 9., Amra je upoznala prisutne sa nekoliko informacija o provođenju obuke Projekat „Dijaspore za razvoj“ koji je projekat Ministarstva za ljudska prava i izbjeglice BiH i Vlade Švicarske, u partnerstvu sa UNDP BiH i IOM BiH. Kazala je da Grad Zenica u sklopu ovog projekta provodi program obuke kandidata kroz IV ciklusa. Lokalnim projektom „Podrška zapošljavanju u metaloprerađivačkoj industriji u Gradu Zenici u saradnji sa privrednim subjektima iz dijaspore“ predviđen je transfer znanja i tehnologija u specijalističkim metalnim zanimanjima. Konačan rezultat projekta treba biti povećanje konkurentnosti nezaposlenih osoba na lokalnom tržištu rada i povećanje stope zaposlenosti mlade populacije ljudi. U konačnici bi stalno zaposlenje trebalo dobiti minimalno 15 najboljih kandidata koji prođu obuke za zavarivače i bravare. Predstavnici kompanije iz dijaspore učestvuju direktno u kreiranju programa stručne edukacije za metalna zanimanja i njegovom sprovođenju u okviru privatnog preduzeća "Fuel Boss" d.o.o. Zenica. Nakon II uspješno okončana ciklusa obuke, 16 kandidata je dobilo priliku za novo zaposlenje što i jeste krajnji cilj projekta. Trenutno se provodi III ciklus obuke, koji se krajem mjeseca završava te je početkom mjeseca novembra planiran početak IV Ccklusa obuke. Očekuje se da će firma Fuel Boss će u konačnici zaposliti preko 20 kanididata. Svečana promocija zaposlenih kandidata je planirana sredinom decembra.

Projekta "Rekonstrukcije i uređenje izletišta Smetovi" obuhvata izgradnju velikog dječijeg igrališta, postavljanje klupe okoigrališta, postavljanje 16 setova stolova i stolica duž šetačke staze od restorana „Salčinović“ do spomenika. Ovim projektom je planirano asfaltiranje

sportskog terena sa postavljanjem novih golova za mali nogomet, dvije košarkaške konstrukcije, postavljanje sjedala na tribinama sportskog igrališta, popravljjanje ograde oko sportskih terena, te rekonstrukciju postojećeg igrališta odbojke na pijesku,

Projekat „Izrada detaljnih energetskih pregleda na području Grada Zenica“ je uspješno implementiran.

Dodijeljeno je 14 energetskih audita i energetskih certifikata, koji su izrađeni u sklopu projekta, i to za pet stambenih i devet javnih objekata na području grada. U finansiranju izrade audita učestvovao je Grad Zenica sa 26.683,00 KM dok je Fond za zaštitu okoliša odobrio sredstva u iznosu od 20.000,00 KM. Služba za privredu i upravljanje razvojem je predala aplikacija za projekat „Rekonstrukcija Doma Mladih“ po pozivu Federalnog ministarstva za prostorno uređenje te aplicirala za sredstva za „Rekonstrukciju Doma Armije“ na javni poziv Fonda za zaštitu okoliša FBiH.

#### **Ad. 10.**

Gradonačelnik se osvrnuo na dešavanja oko Kantonalne bolnice Zenica te upitao članove Privrednog savjeta za mišljenje po ovom pitanju,

Diskusija se vodila u pravcu podijeljenih mišljenja, međutim Mladen Perić je mišljenja da bi Grad Zenica trebao dati saglasnost da se ZDK upiše kao vlasnik imajući u vidu značaj investicije za Grad Zenicu, da ima veliku komparativnu prednost za razliku od drugih gradova/općina u ZDK-u, te da će realizacija planiranih projekata unaprijediti nivo usluga koje pruža bolnica. Kazao je da je Grad Zenica uvijek pokazivao visok stepen tolerancije i ponašao se domaćinski, te imajući u vidu svoju razvojnu historiju, tako i ovaj put treba iskazati dobru volju da na neki način pristanak bude učešće grada u jačanju zdravstvenog sistema ZDK-a za sve građane.

Gradonačelnik je dodao da je projekt proširenja kantonalne bolnice Zenica projekt javnog-privatnog partnerstva u kojem privatni partneri imaju za cilj ostvarenje profita kroz pružanje zdravstvenih usluga te da gradska uprava izražava podršku i spremnost za realizaciju projekta. Međutim, zemljište i izgradnja svih objekata u sastavu kantonalne bolnice Zenica su finansirani sredstvima grada Zenice. Iz tog razloga, smatra opravdanim zahtjev gradske uprava da Vlada Zeničko-dobojskog kantona, koja je nadležna za funkcionisanje JU KBZ, za građane Zenice obezbijedi sredstva za realizaciju jednog infrastrukturnog projekta od društvenog značaja za sve građane. Iz tog razloga je gradska uprava uputila prijedlog KBZ i Vladi ZDK za potpisivanje Sporazuma o prenosu vlasništva i objektima u krugu JU KBZ na JU KBZ uz uslov da Vlada ZDK preuzme obavezu finansiranja jednog infrastrukturnog projekta kao svojevrsnu kompenzaciju građanima Zenice.

Zapisnik sačinio:  
Jusuf Brkić, dipl. oec

**Predsjedavajući Privrednog savjeta**  
**Gradonačelnik**  
**Fuad Kasumović**

